

ՀԱՅ ՀՈԳԵՎՈՐ ԱՐԺԵՔՆԵՐԸ ԱԹԵՆՔՈՒՄ

1998 թվականի ապրիլի 2-ին Հունաստանի մայրաքաղաք Աթենքի «Մեղարոն» համերգարանի ճեմարաններում հանդիսավորությամբ բացվեց «Հայաստանի գանձերը» ցուցահանդեսը: Բացման արարողությանը ներկա էին հույն և այլ ազգերի հարյուրավոր հանդիսատեսներ: Ներկաները մեծ գոհունակությամբ ընդունեցին Ամենայն Հայոց կաթողիկոս Գարեգին Առաջինի ողջույնի խոսքը ցուցահանդեսի բացման առիթով, որը հունարենով ընթերցեց Տ. Եզնիկ եպս. Պետրոսյանը: Այնուհետև սրբազանը կարդաց «Մեղարոնի» գլխավոր տնօրեն Նրիստոս Լամբրակիսին «Ա. Սահակ-Ս. Մեսրոպ» շքանշանով պարգևատրելու մասին կոնդակը... Ցուցահանդեսը բացված է... Հիացած հանդիսատեսները շրջում են սրահներում՝ դիտելով հայ արվեստի շուրջ երկու հարյուր քսանի հասնող ինքնատիպ ցուցամուշկները:

«Մեղարոնը» Եվրոպայի լավագույն մշակութային համայնքներից մեկն է: Այն ունի երկու համերգային դահլիճ՝ 1000 և 500 տեղերով, երկու մեծ ճեմարան-դահլիճներ, որոնք նախատեսված են ցուցադրանքների, պարային, տոնական միջոցառումների, հանդիսավոր ընդունելությունների համար: «Հայաստանի գանձերը» ցուցահանդեսին «Մեղարոնի» ճեմարաններում նախորդել էր «Բյուզանդական սրբապատկեր» ցուցահանդեսը:

Հունաստանի և Հայաստանի միջև օրավոր զարգացող միջպետական, հոգևոր, տնտեսական և այլ կապերի մեջ անմասն չի մնում և մշակույթը:

Ներկա ցուցահանդեսը շուրջ մեկ տարի տևած նախապատրաստական աշխատանքի արդյունք է: Նախ Հայաստան ժամանեցին «Մեղարոն» կենտրոնի ցուցահանդեսների կազմակերպման բաժնի վարիչը և ճկարիչ-ձևավորողը: Ուսումնասիրվեցին Հայաստանի պատմության պետական թանգարանի, Մատենադարանի և Մայր Աթոռ Ս. Էջմիածնի թանգարանների ցուցամուշկները, կատարվեց նախնական ընտրություն: «Մեղարոնի» աշխատակիցները, վերադառնալով Աթենք, ձեռնամուխ եղան այլ հետաքրքիր ծրագրերի: Որոշվեց Հայաստանից բերվող ցուցամուշկների հետ ցուցահանդեսում ներկայացնել նաև Հունաստանի այլևայլ թանգարաններում պահվող հայկական արվեստի գործերը: Պայմանավորվածություն կայացավ Աթենքի «Բենակի» թանգարանի և Թեսալոնիկ քաղաքի հայ մեծ թարերար, կոլեկցիոներ և ազգային գործիչ կարապետ Գալֆայանի հետ:

«Հայաստանի գանձերը» ցուցահանդեսում հույն հանդիսատեսը հաղորդվեց հայ հոգևոր այնպիսի գանձերի հետ, ինչպիսիք են՝ Նոյան տապանի մասունքով մասնատուփը, Աբ. Թադևոս, Բարդուղիմեոս առաքյալների, Հովհաննես Մկրտչի, Հակոբ Մծբնեցի Հայրապետի մասունքներով մասնատուփերը, Աբ. Գրիգոր Լուսավորչի խաչվառը, «Նոտակերաց Աբ. Նշանը», Սևանի վանքի դուռը, ընտրագույն ձեռագրեր Մատենադարանից և Մայր Աթոռ Սբ. Էջմիածնից: Ցուցահանդեսում մեծ տեղ են գրավում խեցեգործությունը (հիմնականում Բյուրախիայի ջնարակված աշխատանքները), արծաթագործությունը և գործվածքեղենը:

Ցուցահանդեսի կազմակերպման աշխատանքներում հիշատակելի է Մայր

Աթոռի դիվանապետ Տ. Ներսես արքեպիսկոպոս Պոզապայանի, Հունաստանում Հայրապետական պատվիրակ Տ. Ոսկան արքեպս. Գալփաքյանի, Հայաստանի պատմության պետական թանգարանի տնօրեն տիկ. Անելկա Գրիգորյանի, փոխտնօրեն Իվետա Մկրտչյանի, Մատենադարանի տնօրեն Սեն Արևշատյանի ներդրումը:

Յուրահանդեսի առիթով «Մեղարոն» կենտրոնը լույս է ընծայել 150 էջանոց եռալեզու կատալոգ, որը բացվում է Ն.Ս.Օ.Տ.Տ. Գարեգին Առաջին կաթողիկոսի Հայրապետական օրհնանքի խոսքերով: Այս բովանդակալից հոդվածներով՝ «Արվեստները Հայաստանում և Բյուզանդիոնում» (Հելեն Էվանս), «Հայ-հունական հարաբերությունները» (Հրաչ Բարթիկյան), «Փոլիստիպայությունը միջնադարյան Հայաստանում» (Սեն Արևշատյան), «Մայր Աթոռ Սբ. Էջմիածնի Հայաստանի պատմության պետական թանգարան» (Իվետա Մկրտչյան), «Կիլիկյան Հայաստանի և Բյուզանդիոնի դրամները» (Հենրի Սարգսյան) և այլն հանդես են եկել հայ և օտարազգի գիտնականներ: Մի քանի տասնյակ լուսանկարներով ձևավորված այս կատալոգի հայերեն ամփոփումը կատարված է հունահայ գրող Հակոբ Զեյալյանի կողմից՝ մասնակցությամբ պատմաբան Վիկտորյա Խաչատրյանի:

ՀՈՎՀԱՆՆԵՍ ԹԱՔՈՒԿՅԱՆ

«Հայաստանի գանձերը» ցուցահանդեսի
Մայր Աթոռի քածնի պատասխանատու